

ҚАРЖЫЛЫҚ ЕСЕПТІЛІККЕ ЕСКЕРТПЕЛЕР

2019 жылғы 31 желтоқсанда аяқталған жыл үшін

1. ЖАЛПЫ АҚПАРАТ

Қазақстан Республикасының Индустрия және инфрақұрылымдық даму министрлігінің Азаматтық авиация комитетінің «Қазақәронавигация» Шаруашылық жүргізу құқығындағы республикалық мемлекеттік кәсіпорын (бұдан әрі – «Кәсіпорын») «Қазақстан Республикасының Көлік және коммуникациялар министрлігінің Азаматтық авиация комитетінің кейбір республикалық мемлекеттік кәсіпорындарын қайта ұйымдастыру туралы» Қазақстан Республикасы Үкіметінің 2013 жылғы 23 шілдедегі № 736 қаулысына сәйкес:

- Қазақстан Республикасының Көлік және коммуникациялар министрлігінің «Қазақәронавигация» әуе қозғалысын басқару, ұшулар мен электрбайланысын радиотехникалық қамтамасыз етудің жер үсті құралдарын техникалық пайдалану жөніндегі шаруашылық жүргізу құқығындағы республикалық мемлекеттік кәсіпорынның және
- Қазақстан Республикасының Көлік және коммуникациялар министрлігінің Азаматтық авиация комитетінің «Ұшу қауіпсіздігін қамтамасыз ету орталығы» шаруашылық жүргізу құқығындағы республикалық мемлекеттік кәсіпорынның қосылуы арқылы құрылды.

Кәсіпорын Астана қаласының Әділет департаментімен 2013 жылғы 18 қыркүйекте тіркелді, БСН 130940015918, соңғы рет қайта тіркелу амалы 2019 жылғы 11 шілдеде жасалды.

Кәсіпорынның құрылтайшысы Қазақстан Республикасының Үкіметі (бұдан әрі – «Құрылтайшы») болып табылады.

Кәсіпорынның мүлкіне қатысты мемлекеттік меншік субъектісінің құқықтарын Қазақстан Республикасының Қаржы министрлігінің Мемлекеттік мүлік және жекешелендіру комитеті жүзеге асырады.

Кәсіпорынды басқаратын орган Қазақстан Республикасының Индустрия және инфрақұрылымдық даму министрлігінің Азаматтық авиация комитеті болып табылады.

Кәсіпорын қызметінің мәні әронавигациялық қызмет көрсету болып табылады – оның қызметіне әуедегі қозғалысты ұйымдастыру, байланыс, навигация және қадағалау жүйелерін ұсыну, ұшуларды метеорологиялық және іздестіру-құтқаруды қамтамасыз ету, әронавигациялық ақпаратты ұсыну жатады.

Кәсіпорын қызметінің негізгі мақсаты Қазақстан Республикасының әуе кеңістігінде ұшулардың қауіпсіздігін қамтамасыз ету болып табылады. Кәсіпорын өз қызметінің негізгі мақсатын әронавигациялық қызметтерді көрсету және ұшу қауіпсіздігін қамтамасыз етуге арналған аударымдарды жасау арқылы іске асырады.

Кәсіпорынның қызметі Халықаралық азаматтық авиация туралы тұжырымдамамен және Қазақстан Республикасының қолданыстағы заңнамасымен реттеледі.

«Табиғи монополиялар және реттелетін нарықтар туралы» Қазақстан Республикасының Заңымен әронавигация қызметтері Қазақстан Республикасында табиғи монополиялар аяларына жатқызылған.

Қызметтердің құны әуе кемелеріне әронавигациялық қызмет көрсетуге арналған белгіленген тарифтерге негізделеді. Кәсіпорынның қызметі реттелетін және реттелмейтін болып екіге бөлінеді.

Реттелетін қызметтерге арналған тарифтерді 2017 жылғы 1 қаңтардан бастап Қазақстан Республикасының Индустрия және инфрақұрылымдық даму министрлігінің Азаматтық авиация комитеті бекітеді. Реттелмейтін қызметтерге арналған тарифтерді Кәсіпорын Халықаралық Азаматтық авиация ұйымының (бұдан әрі – «ХААҰ») ұсынымдарын ескере отырып өз бетімен белгілейді.

Қазақстан Республикасының аумағында медициналық қызметтерді көрсету қызметін Кәсіпорын:

- Астана қ. қоғамдық денсаулық сақтау басқармасы 03.05.2019 жылы берген № 19010178 мемлекеттік лицензия (алғашқы берілген күні – 02.03.2012 жыл), қолданылу мерзімі тұрақты.
- Қазақстан Республикасының инвестициялар және даму министрлігінің Азаматтық авиация комитеті 2020 жылдың 22 қарашасына дейін қолданылу мерзімімен 2017 жылғы 22 қарашада берген азаматтық авиациядағы медициналық мекемелердің қызметін реттейтін талаптарға сәйкес келуіне арналған № 1 сертификаттың негізінде жүзеге асырады.

ҚАРЖЫЛЫҚ ЕСЕПТІЛІККЕ ЕСКЕРТПЕЛЕР (жалғасы)

1. ЖАЛПЫ АҚПАРАТ (жалғасы)

Қазақстан Республикасының аумағында авиациялық персоналды даярлау және қайта даярлау қызметтерін көрсету қызметін Кәсіпорын Қазақстан Республикасының Көлік және коммуникациялар министрлігінің Азаматтық авиация комитеті 2019 жылғы 28 қаңтарда берген № KZ55VGL00000048 Авиациялық оқу орталығы сертификатының негізінде жүзеге асырады. Өуе оқу орталығының сертификаты және оның қолданылу аясы 2 жылдан аспайтын мерзімге беріледі.

2019 жылғы 31 желтоқсанға кәсіпорынның ұйымдық құрылымына Орталық аппарат кіреді, оның құрамына Кәсіптік даярлау орталығы мен Медициналық орталық, сондай-ақ Қазақстан Республикасының өңірлерінде тіркелген 15 филиал кіреді.

Кәсіпорынның заңды және нақты мекенжайы: Қазақстан Республикасы, Нұр-Сұлтан қ., Есіл ауданы, Е522 көш., 15 ғимарат.

Қоса беріліп отырған қаржылық есептілікті шығаруға Кәсіпорынның Бас директоры мен Бас бухгалтері 2020 жылғы 27 наурызда бекітті.